

愛日吟廬書畫別錄

愛日吟廬書畫別錄卷三

平湖葛金烺景亮父鑒藏 第三子嗣彬續纂

明名人書扇彙冊 凡十六葉 縱橫尺寸不等

第一葉吳寬行楷 金箋本 十二行

西齋閒看雨失與故人期旱地徐應入浮雲濕不移藤梢

初上架蘆筍故穿籬案上書籤亂賡歌有杜詩 吳寬 印

二原博 朱文方印 吳寬 朱文方印

按寬字原博長洲人成化八年壬辰會元狀元官禮部尚書謚文定行履高潔不為矯激而自守以正於書無不讀詩文有典則時為館閣中領袖兼工書法著有書經正蒙若干卷匏庵家藏集七十七卷

第二葉趙鑑行楷 金箋本 二十九行

碧落風煙外瑤臺道路賒如何連帝苑別自有仙家比地

田鷺駕綠溪轉翠華洞中開日月窟裡發雲霞迤養冲天  
崔溪畱上漢槎種田生白玉泥竈化丹砂谷靜泉逾響山  
深日易斜御羹和石髓香飯進胡麻大道今無外長生詎  
有涯還瞻九霄上來往五雲車 右王右丞五言排律一

首為

循翁老先生

趙鑑

印二

趙

鑑

宋文連珠方印

按鑑字克正壽光人成化二十三年丁未進士官刑部尚書諡康敏遇事執法無顧忌人每以此折服以老疾乞致仕上賜詩送之書法大令冠絕一時

第三葉文徵明行書

金箋本

二十七行

隆冬彫百卉江梅厲孤芳如何蓬艾中亦有春風香紛  
翠羽帔溫靚白玉相黃冠表獨立澹然水僊妝弱植媿蘭  
蓀高探摧冰霜湘君謝遺襍漢水羞捐璫嗟彼世俗人欲

火熱中腸徒知慕佳冶詎識懷真剗淒涼栢舟誓惻愴終  
風章卓哉有遺烈千載不可忘 右晦菴先生作 徵明

書 無印

按徵明初名瑩以字行更字徵仲號衡山長洲人信國公裔以歲貢薦試授待詔舉鄉飲大賓詩文書畫名震天下甯王宸濠慕其名胎書聘之辭病不赴時外國使者過吳門望里肅拜以不獲見為恨至嘉靖己未卒年正九十私謚貞獻先生著有甫田集三十六卷梅花百詠一卷

第四葉王寵行書 金箋本 二十七行

木之就規矩在梓匠輪輿人之能為人由腹有詩書詩書  
勤乃有不勤腹空虛欲知學之力賢愚同一初由其不能  
學所入遂異間兩家各生子提孩巧相如少長聚嬉戲不  
殊同隊魚年至十二三頭角稍相踈二十漸乖張清溝映

汚渠三十骨骼成乃一龍一豬飛黃騰踏去不能顧蟾蜍  
一為馬前卒鞭背生蟲蛆一為公與相潭潭府中居間之  
何因爾學與不學歟金壁雖重寶費用難貯儲學問藏之  
身身在則有餘君子與小人不繫父母且不見公與相起  
身自犁鋤不見三公後寒饑出無驢文章豈不貴經訓乃  
畱畚潢潦無根源朝滿夕已除人不通古今馬牛而襟裾  
行身蹈不義況望多名譽時秋積雨霽新涼入郊墟燈火  
稍可親簡編可卷舒豈不且夕念為爾惜居諸恩義有相  
奪作詩勸躊躇 韓文公之子符讀書城南作此以勉之  
今錄以勵子焉 無款 印一 王寵私印 白文

按寵字履吉吳人文徵明弟子諸生詩書文皆爭上游  
又富收儲精鑒別名蹟中有韓韓齋印章者即先

生舊藏無一非至精至確之品也所  
著有東泉志四卷雅宜居士集十卷

第五葉文伯仁張之象董宜陽沈明臣顧從義行楷

合作金箋本四十六行

漸於世事已無求皓首蓬心得自由震澤烟波三萬頃  
綸決不着羊裘少年心事已多違此日萍蹤賦式微  
豐艸長林麋鹿性不回鳥下始忘機五湖流派日朝東  
七十二峯烟靄中綺角園黃遺蹟在今增白髮一漁翁  
右  
歸山三絕五峰文伯仁上玄與先生印二五峰文  
伯仁朱文連珠方印

洞庭空闊晚山孤狂客扁舟向五湖為問吳王清暑  
風煙猶似舊時無送君何地望仙鸞明月青天鏡裏  
看此

去不須河朔飲水雲如雪晝生寒 右送友還洞庭作張

之象上 玄與先生

印二

王屋山人

方印白文

張氏玄超

方印白文

漢水湘江客興長雲帆三月下襄陽晴洲芳草牽游思黃

鶴樓頭望故鄉

青天高映綠蘿衣羨尔看山逸興飛丹

笈暫辭林屋去仙槎應向洞庭歸

右送洞庭蔡山人游

襄陽作

西霞山樵董宜陽

印一

董氏子元

方印白文

孤舟夜泊洞遲瀟悵望空臺盡白蘋水殿離宮三十六月

明曾照捧心人

右宿太湖口作

句章山人沈明臣

印

二沈明臣

方印白文

嘉則

方印朱文

翠崖兮處見山深度嶺西風塞雁音半夜穆陵關上月夢

魂先已過淮陰

右穆陵關懷仲兄作

碧海願從義

印

一顧氏□□  
方印

按文伯仁字德承長洲人徵明姪諸生著有五峰山人集張之象字月鹿上海人徵明監生著有史記彙十卷太史史例一百卷回文類聚四卷張王屋集十二種董宜陽字子元上海人諸生著有先哲金石錄金石林中園雜記金蘭集董紫岡集沈明臣字嘉則鄞人監生與茅坤徐渭同為胡宗憲幕客輯有通州志入卷著有豐樹樓集四十二卷顧從義字碧海華亭人著有荆谿唱和詩重遊荆谿詩研山人詩稿右五君同為明季詩人今相去已數百年惟五峰山人題畫詩偶有流傳餘者殊少概見此楨均錄舊作雖非全豹而諸君之襟期澹宕略見一般矣書均古雅至可珍焉

第六葉周天球行楷  
金箋本  
三十一行

偃蹇風塵黯不禁况逢秋色正蕭森霜寒內苑千門析月落誰家半夜砧羽獵諍胡空有賦長門取酒久無金支牀留得孤琴在已絕鍾生去後音  
其一  
入秋風雨接洿瀾苑



樹先驚朔氣寒塞上烽烟乘障早江南鴻雁致書遲長顰  
豈為青衫敝久客能令白髮殘不似原生歎非病何須五  
斗索長安 其二 秋風日夕送將歸忽報軍書插羽飛月出  
甘泉疑夜火鍾殘長樂軫宵衣蓬心客裡無時展蒿日人  
閒萬事違不為秦闕悲馬角昨來岐路恐全非 其三 庚午

秋京邸懷歸三作已丑孟春周天球 無印

按天球字公瑕太倉人居吳文徵明弟子諸生花卉  
蘭草均法趙文敏又善大小篆古隸行楷晚能自得  
蹊徑是蓋繼徵明而表表吳中  
者也至萬曆乙未卒年八十二

第七葉伍袁萃行書 金箋本 十七行

小築春初搆芳罇夏始開榻隨蒼竹下客與白雲來歲月  
無田跡林花有舊栽一堂棲短髮于此且塵埃 右陸氏

新齋一首

袁萃為

柏泉先生書

印一

容庵

白文方印

按袁萃字聖起吳人餘福孫初從母袁姓萬曆八年庚辰進士由貴谿知縣內擢兵部主事官至廣東海北道副使遇事鯁直所至必崇正黜邪權臣憚之告歸後杜門著書兼工入法所著有林居漫錄十一卷彈園雜志四卷希齡錄二卷駁賀燦然漫錄評正一卷疏議檄書四卷簡文編二卷逸我軒集四卷貽安堂集八卷

第八葉范允臨行書

金箋本

十四行

寒山轉蒼翠秋水日潺湲倚杖柴門外臨風聽暮蟬渡頭餘落日墟里上孤煙復值接輿醉狂歌五柳前 允臨 印

二范允臨印

白文方印迴長倩白文方印

按允臨字長倩吳人文正公裔萬曆二十三年乙未進士官福建參議告歸築室天平山日從事於詩文書畫書與董其昌齊名又捐田以益義產人以善繼稱之著有翰夢館詩文集八卷

第九葉杜大綬楷書 金箋本 五十三行

錄王羲之  
蘭亭序文

全文不錄 萬曆丙午孟冬既望書於韻玉齋 杜大綬

印二 子紆 白文長方印 大綬之印 朱文方印

收傳印記風雨樓 朱文方印 秋枚 朱文方印

按大綬字子紆吳人工畫兼精端楷年七十外嘗書華嚴經入十一卷藏於天宮寺

第十葉文震孟行書 金箋本 十五行

皇極初開七曜光高凝曉色映扶桑蓬萊地接春能早太

液波分雪有香共祝安邊憑廟算還占清論滿朝陽半生

抱膝吾何敢畧與人閒補一狂 文震孟 印二 震孟私印

白文方印 文起氏 白文方印

按震孟字文超長洲人彭孫元發子天啟二年壬戌狀元官大學士剛方貞介有古大臣風因上疏抗直為溫體仁所忌罷歸福王時追謚文肅著有藥園集

第十一葉沈楫行楷 金箋本 三十三行

節錄曹植洛神賦自翩若驚鴻起至媚於語言止凡一百二十八字

全文不錄 右曹子建洛神賦中語 丙辰夏五燈下沈

楫書 印二 沈楫之印 白文 弘濟 朱文 方印

按楫字弘濟華亭人學士度後裔夏節愍公完淳之師諸生工詩文書亦古氣盎然著有楚事紀略沈弘濟詩文稿

第十二葉楊文驄行書 金箋本 十四行

路自中條上盤回出薜蘿到江吳地盡隔岬越山多古木  
兼青靄遙天湧白波下方城郭近鐘磬雜笙歌 楊文驄

印二龍友朱文洒去欲心白文迴

收傳印記許烈之印白文紫僊審定真跡白文

按文驄字龍友貴陽人寓江南萬曆四十六年戊午  
舉人官兵部郎中甲申明亡次年援衛州殉節博學  
好古尤精於書畫為畫中九友之一  
片楮寸幅人爭寶之著有洵美堂集

第十三葉吳應箕行書金箋本 二十行

春深花發氣如曛鳥亦嚶鳴喜得羣至顏有三山水友絕  
人無一字詩文浩歌何處彈長鈇奇服空能冠切雲敢謂  
火攻徒下策年華容易愧諸君 示諸弟作書呈 明阿

社兄教正 吳應箕印二次尾朱文應箕之印白文

按應箕初字風之後因點定經義士人多誦習之故  
稱次尾先生貴池人陳維崧之師崇禎十五年壬午  
副貢官推官甲申明亡次年與金聲倡義同時殉節  
謚忠節生平著述等身懷才不遇輒謾罵一世略無

顧忌書亦權奇周備著有東林紀事本末四卷兩朝  
剝復錄十卷嘉朝忠節傳一卷留都見聞錄二卷讀  
書止觀錄五卷國朝本末六卷庚辛壬癸錄四卷感  
事集三十卷交友錄二卷讀書錄二卷讀書種子二  
十卷觚不觚錄二卷樓山堂詩文集二卷七卷茲所  
錄七律一首見原集第二十五卷係崇禎戊辰年作  
題為示緒倩子相卽其兩弟之字也○又按公所著  
各種每多忌諱傳者極尠近見其鄉後學劉聚卿參  
議將剝復見聞止觀三種與宋華岳所著北征南征  
兩錄彙刊為秋浦雙忠錄而將墜之文賴以勿替誠  
藝林中無量功德也

第十四葉朱在鎬孫錄行書合作金箋本 三十一

滄江一路指文星赤舄輝飛自玉京軾轍無雙同待價郊  
庠第五本齊名隱囊自署湖山長彩華閒將鷗鷺盟側耳  
中牟稱奏最剡天舊史是家聲 贈張桐廬令君之一似

子樸詞兄正 朱在鎬印 二 朱在鎬印 朱白文迴 閉戶

人  
朱文方印

煙隄漠漠夕陽過此夕琴心問薜蘿愧我賦中明月少知  
君匣裏白雲多鋤花始辨高人竹洗硯重看道士鷺舞袖  
飄香客醉穩朝來何處聽笙歌 偕房生集彥生園亭兼  
觀古名跡時晚史適至似 樸老社厚兄正之 武水孫

錄  
印二 孫錄  
朱文方印 古隍  
白文方印

按朱在鎬字周望上海人崇禎十五年壬午舉人工  
詩善書著有西江雜草岑洞瑣言小重山房集三十  
一卷 孫錄字逸史常熟人  
諸生明亡不與試亦工書詩

第十五葉楊九垓楷書  
金箋本 四十八行

凡畫山水意在筆先丈山尺樹寸馬豆人遠人無目遠樹  
無枝遠木無皴高與雲齊遠水無波隱隱似睂此其訣也

山霽雲塞石壁泉壑樓臺樹塞道路人塞石分三面路分  
兩岐樹看頂頸水看岸基此其法也凡畫山水尖峻者峯  
平夷者嶺峭壁者崖有穴者岫圓形者巒懸石者巖路通  
者川兩山夾水者澗夾路者壑水注者溪泉通川者谷路  
下小土山者坡似而高者阪若能辨別乎此則知山水之  
彷彿也觀者先看氣象後辯清濁之衆峰之揖拱列羣岫  
之威儀多則亂少則慢不多不少要分遠近遠山不得連  
近山遠水不得連近水山要迴抱水要縈迴茂林古寺樓  
觀可安斷岸頽堤小橋宜置有路處人行無路處林木岼  
絕處古渡山絕處荒村水澗處征帆林密處店舍懸崖古  
木根露而藤纏臨流怪石嵌空而水痕凡作林木遠則疎



平近則森密有葉者枝柔無葉者枝硬松皮似鱗柏皮纏  
身生於土脩長而勁直長於石拳曲而伶仃古木前多而  
半灰寒林慘淡以蕭森凡畫山水須按四時春景則霧鎖  
烟橫樹林隱隱山色堆青遠水拖藍夏景則林木蔽天綠  
蕪平阪倚雲瀑布近水幽亭秋景則水天一色霞鷺齊飛  
鴈橫煙塞蘆渚沙汀冬景則樹枝雪壓水淺沙平凍雲匝  
地酒帘孤村漁舟倚岸樵者負薪風雨則不分天地難辨  
東西行人傘漁父簑衣有風無雨則枝葉斜披有雨無風  
則枝葉下垂雨霽則雲收天碧薄靄依稀山光淺翠網晒  
斜暉曉景則千山欲曙輕霧霏霏朦朧殘月氣象熹微暮  
景則山啣落日犬吠疎籬僧投遠寺帆卸江湄行人歸急

半掩柴扉或煙斜霧橫或遠岫雲歸或秋江古渡或荒塚  
斷碑或洞庭春色或瀟湘霧迷如此之類謂之畫題筆法  
布置更在臨時山形不得重犯樹頭不得整齊樹藉以為  
骨山藉樹以為衣樹不可繁要見之秀麗山不可亂要顯  
樹之光輝若能留意於此須心會於玄微 右荆浩山水

賦康寶夏日書為

六如上人

楊九垓

印一

孚九

朱文印

按九垓字孚九平湖人萬歷四十二年入邑庠性伉  
直值明季政柄下移輒呵罵一世或將刺其背弗顧  
也好讀史嘗手錄廿一史類纂三百餘卷又工書畫  
求者非韻士弗與焉至康熙丁巳年八十詠縱橫計  
不就慷慨志猶存二語而卒可以見其志節矣

第十六葉曹銘楷書

金箋本

三十三行

臣繇言臣自遭遇先帝添列腹心爰自建安之初王師破

賊關時年荒穀貴郡縣殘毀三軍餽餼朝不及夕先帝神  
略奇計委任得人深山窮谷民獻米豆道路不絕遂使強  
敵喪膽我眾作氣旬月之間廊清蟻聚當時實用故山陽  
太守關內侯季直之策尅期成事不差豪髮先帝賞以封  
爵授以劇郡今直罷任旅食許下素為廉吏衣食不充臣  
愚欲望聖德錄其舊勲矜其老困復俾一州俾圖報効  
右鍾太傅書為 景賢詞兄臨 曹銘 印二 曹銘之印 文白

方功壽 朱文方印

收傳印記王雲卿收藏 朱文長方印

按銘字功壽平湖人崇禎十二年入邑庠少工畫倩人書款人厭之因棄畫專攻入法遂以能書名

明名人畫扇彙冊

凡十六葉

縱橫尺寸不等

第一葉陸起山水

金箋本

茅屋數椽岡巒環抱出山入山之路四面分歧皆有  
來往而蒙茸雜樹逐處點綴是山腰景也用筆學北  
宗石方勢皴短似點染後略  
加淺絳後之張宏即從此出

月來半榻寒松影風送滿山秋葉聲

古吳陸起

印二陸

起

朱文  
方印  
字起生  
白文  
方印

收傳印記秋校

朱文  
方印

按起字起生吳人成弘時畫名  
甚著又工入法陸師道之師也

第二葉文徵明墨山水

金箋本

欄邊卷石林立有樹兩叢夾澗而起或圓點或枯枝  
中橫一橋有童抱琴過似就坡上草亭之客也對面  
山出扇頭之上微露下  
腳純用粗筆愈覺矜貴

徵明

印一  
文徵明印  
白文  
文方印

按徵明已詳前冊中

第三葉唐寅墨山水

金箋本

是幀畫臨水山腳下之峽也羊腸一徑抱山入峽峽中有泉有橋橋之前後有村舍有行人而寒林松柏之屬復密以蔭之對面見石壁風帆此其餘勢

正德辛巳三月唐寅畫

印二

唐子畏

朱文長方印

唐白虎

朱文方印

按寅字子畏吳人弘治十一年戊午解元畫師周臣而青出於藍評者謂其遠攻李唐足任偏師近交沈周可當半席又工詩古文詞時甯藩宸濠厚幣聘之察其有異志佯瘋放還治圃於舍北桃花塢日飲其中著有畫譜三卷六如居士詩文集七卷外集五卷

第四葉仇英人物山水

金箋本

畫東坡赤壁圖景一有幘畫船東坡二客一童在船中飲一舟子坐船尾鼓棹向石壁而行壁作淺絳色上有青綠夾葉樹下有流泉遠山一角不露腳波紋細鉤作魚鱗文皆用筆尖繪出故極峭利

寶父仇英製

印一十州朱文葫

按英字寶父太倉人居吳郡周臣弟子人物鳥獸山水樓觀無不神采生動秀雅鮮麗所謂趙伯駒後身即沈文兩公亦未盡其法也見圖繪寶鑑續纂

第五葉陸士仁山水 金箋本

用筆尖畫近身作江邊村落雜樹周遭樹隙見雉堞一樓高迥有人似作宴會狀江面甚闊青山數疊極低小下有風帆殆滕王閣圖耶

士仁并圖

印一陸士仁印 白文迴文方印

按士仁字文近長洲人師道子諸生為文氏再傳弟子山水筆法雅潔不失待詔遺意書亦如之見畫史要會

第六葉陸治花鳥 金箋本

雙鉤千葉紅梅白頭翁鳥棲其上設色極鮮藍筆極古厚

無款

印一 陸治 白文

按治字叔平吳人世居包山又以包山為號諸生督學嘉其才行令為貢生側儻嗜義以孝友稱寫生深得徐黃遺意又好為詩古文詞並善行楷著有纂註家語十卷包山遺詩一卷

第七葉文嘉墨山水

紙本

近身作雜樹三株出坡上上有沙痕雨大疊至高處見平遠山數重筆甚簡冷

道和雲林江南春

二首

三月江南薦櫻筍鴝鵒灘迴塘

靜蛛絲縈空網落花雲母屏寒浸嬌影簾外沉沉春霧冷

綠蘿欲覆花間井泥金小扇障紗巾畫橋紫陌踏香塵

花開遲水流急江島對眠莎草濕吳姬如花花不及摘花

笑映溪流碧楊柳烟籠萬家邑柳下王孫為誰立幽渚泥

香生綠萍間看梁燕墨經營

文嘉書并詩

印二

休承

朱文連  
珠方印

瑤盤玳簌登蒲笋高宴山池風日靜林香酒氣雜相聞  
吳娃對舞雙鸞影羽觴初浮淥波冷垂楊直拂銀床井  
少年催着紫綸巾春裝催去踏郊塵啼鶯遲飛燕急  
茂苑烟光翠如濕秉燭追遊歡不及落紅亂點溪流碧  
五湖南望神僊邑玉柱金庭鏡中立晴光汎泛蕩青萍  
韶華疑在心思營彭年奉次為涵虛先生書

印二

彭年

朱文彭生孔加  
方印白文

按嘉字休承長洲人徵明次子歲貢生官和州學正  
山水宗倪雲林閒有設色亦多幽澹之致工詩善書  
著有文和州集

第八葉鄒之孟墨山水

金箋本



雙峰插江中開一徑徑盡有石坡兩疊一人登陟其間遠見隔江山影近身石隙有雜樹峰頂亦略加點綴似赤壁後遊景也

丁未秋七月

中吳鄒之孟

印一之孟朱文方印

空處有細楷後赤壁賦後半已佚

按之孟字□□太倉人與周天球同為文門弟子在隆萬兩朝畫名並著

第九葉馬明瑞墨竹

金箋本

大葉粗竹一竿旁殘小枝披拂有致嫋娜生妍極盡能事

江上寫上

羽王老親家太史清覽

馬明瑞

印一

馬明

瑞印

白文迴文方印

按明瑞字道楨平湖人萬曆十九年辛卯舉人以母老謁選上虞教諭陞景州知州多惠政擢工部員外時廣甯失守督造軍器稱旨紀錄中忌罷歸善畫竹有文與可遺意

第十葉劉原起墨山水 金箋本

左下角先寫土坡一舟維其側坡與巨石夾成窪路轉折至石上有亭峙焉路旁皆寒林一人行其中與石上亭畔之人遙相呼應巨石後又有石壁下插江心上不見頂半腰蕩以雲氣餘皆江水空闊遠山僅一髮亦後赤壁景也

丙辰三月 劉原起 印一 原起之印 白文方印

閔先細楷書後赤壁賦

全文不錄 天啓元年辛酉歲朝試筆 閔先 無印

按原起初名祐以字行更字子正吳人畫師錢穀頗神肖詩亦為人所重見吳縣志

第十一葉陳嘉言蘆蟹 紙本

淡設色畫蠍蟻十餘隻爬梳蘆葦中下添綠草數叢是極寫意作也

丁巳二月 八十老人陳嘉言 印一 孔彰 白文方印

收傳印記顧文鼎

宋文連珠方印

按嘉言字孔彰嘉興人隆萬時以畫名著到老不解畫史稱其寫意花鳥鬆秀可愛今觀此真信然

第十二葉陳子龍人物山水

金箋本

是葉半畫半書畫用淡墨寫松下一舟有人閒坐其上隱約見山光數疊左方楷書題詞一闕

曉粧新羅帶繞綫到黃昏付與愁多少支盡淚痕天不曉

得傍香雲夜夜金釵小 繡幃深銀燭香殘月疎更有夢

何時了一角無情裝疊早連宵枉惹多情惱

蘇模遮題枕

似

墨仙社兄并

政

陳子龍

印二

陳子龍印

朱文迴文方印

轍

符氏

白文方印

按子龍字人中華亭人崇禎十年丁丑進士由紹興推官播給事中命甫下而京師失守乃事福王旋乞終養魯王授兵部侍郎兼翰林學士令結太湖兵舉事至丁亥以吳兆勝獄詞連及事露破漢乘閒投水

死年僅四十乾隆朝謚忠裕公大節凜然兼長文學南中人士無有不知其名者而獨未知其善畫即各畫史中亦未登著錄忽觀此葉竊比鳳毛麟角且益信大名家固無所不能也有陳忠裕公全集十五卷

第十三葉祁豸佳蘭竹 紙本

飛白石蘭兩叢閒以墨竹綽約融和後之穉石老人差堪鬐髯

癸巳春日寫 豸佳 印一 止祥父 朱文印

按豸佳字止祥山陰人忠惠公彪佳弟天啟七年丁卯舉人官吏部司務甲申後隱梅市山水入荆關室又善花卉書學思翁詩文詞皆有致下至歌奔圖章百戲俱善

第十四葉文俶墨梅 金箋本

倒垂墨梅一枝以淡墨點花以濃墨點鬚蒂極疏朗之致

天水趙氏文俶 印二 趙氏文印 白文 趙文俶印 朱白文迴

按俶字端容長洲人文從簡女趙靈均室花卉人物皆能信筆渲染無微不肖畫史稱為吳中閨秀三百

年來所僅見惜其中年羽化偽筆傳摹甚多著有寒山草木昆蟲狀一卷所生僅一女名昭字子惠能嗣其學適平湖馬氏子不得於夫祝髮於洞庭西山以終著有侶雲居詩稿具此才藻不永其傳至可傷也

第十五葉四可山水 金箋本

淡赭山水極充滿筆如畫沙非常動利鉤皴在亂柴解索之間恰極精到

四可口口為 與山兄作 印二 四可子之印 朱文 文父之

章 朱白文 長方印

第十六葉海珠山水 紙本

淺絳山水布景繁碎用筆乾瘦不惜層層襯染以臻完備審其氣味乃在冷雋一途此可以娛閑戶獨坐者惟僧家能之

髣大癡筆意 海珠 印二 海珠 朱文 珂輪 白文 方印

按四可字文父海珠字珂輪又號西林老衲均明季高僧

清名人書扇彙冊

凡二十葉

縱橫尺寸不等

第一葉沈荃行書

紙本

十七行

險絕龍門口神工鑿不成羣峰相拱揖一水自淙泓藉草

堪題石臨流好濯纓天然圖畫裡鬱鬱有佳城

遊龍門山

未

盡登臨興停驂傍翠微荒林空鳥雀小圃駐芳菲雲晚遲

歸翼山高障落暉坐深還啜茗相對忘機

憩雲樹寺

充齋

荃

印二

掌詹學士少宗伯章

朱文方印

沈荃之印

白文方印

按荃已詳尺牘冊中

第二葉王日藻行書

金箋本

十二行

九月重陽啟金輿陟寶坊御旗橫日道仙塔儼雲庄帝蹕

千官從乾祠七曜光顧慚文墨職無以頌時康王日藻

愛日吟廬書畫別錄

卷三

七

印二

王日藻印

方印

無住道人

朱文

引首

閑勅

方印

白文長

按日藻字印周華亭人順治十二年乙未進士官河南巡撫戶部尚書以事罷歸嘗請墾荒田四十餘萬頃盡成沃壤至今賴之書法超妙亦工詩文著有秦望山莊集

第三葉朱彝尊行書

金箋本

二十行

蕭疎煙柳玉河潭殘月猶含離人報道城東發赴新涼卯

酒初酣代馬頻嘶別路吳綿湏換征衫 新安風物舊曾

諳此去停驂烏丸素帟留題好繞清溪紫笋黃甘心逐一

繩飛雁秋汴直到江南 風入松送 平萬年道兄之歎

州郎

正

弟朱彝尊

印一不

引首

一醞舫

朱文長

方印

按彝尊已詳尺牘冊中茲所錄風入松一闕見曝書亭集第二十六卷惟新安二字作歙州甘字作柑字題為送沈平萬之新安與此小異耳

第四葉惲壽平行楷 金箋本 二十八行

近收得逸少初月尚書二帖真蹟智永所臨五帖皆希世之珍高壓顏張數等足以與公西風圖爭長志東一見驚歎不已 常依陸賈班嗣揚王孫之處世甚欲希風數子老夫志願盡於此也君察此當有一言不真所謂賢者志其大 芾老矣先生勿恤廷議薦之曰襄陽米芾在蘇軾黃庭堅之間自負其才不入黨與 臨米南宮三帖 癸亥仲春為 叙老年道翁正字 壽平 印二 正叔 朱文 壽平 印

平 白文  
方 印

按壽平原名格以字行又字正叔武進人布衣為人孝友敦篤有古君子風至書學畫學均推絕詣數百年來海內學者咸宗正派詩亦超逸絕倫著有甌香館集八卷



第五葉高層雲行書

金箋本

十六行

搜殘蠹簡剩秦灰來對淹通曠代才同調那堪揮手別倦  
遊何處送春回甚時剪燭仍寒夜轉憶尋僧問古臺小驛  
花風倍離思征帆愁絕雨中開近作為文瀛年翁正

高層雲

印二

高層雲印

白文迴文方印

髮苑

朱文方印

引首

改處

齋

朱文長方印

按層雲曰  
詳尺牘冊

第六葉沈岷行楷

金箋本

十五行

禁柳烟中聞曉烏風吹玉漏盡銅壺內官先向蓬萊殿金  
台開香瀉御爐玉樓天半起笙歌風送宮嬪咲語多月  
殿影開聞夜漏水精簾捲近銀河玉堦容衛宿千官風

獵青旂曉仗寒侍女先來薦瓊蕊露漿新下九霄盤 培

齋老表姪 沈岷 印二 沈岷 禾畊 朱白文連珠扁方印

收傳印記王雲卿收藏 朱文長方印

按岷字玉山平湖人康熙二十四年乙丑進士官徐溝知縣有善政卓異內陞戶部員外郎典貴州試稱得士罷歸後築室墓傍嘯歌自得著有味菜山房集

第七葉陳奕禧行楷 紙本 十七行

□□□□□□看菜花黃雲晴布野綠樹道場遮入樹

此樹字原本點去 院惟聞磬隨緣且喫茶而堂貌誰取鶴骨聳烟

霞 甲申夏日為 滄升老姪孫 奕禧 印二 臣禧 白文方印

子文 朱文方印 關道茫茫窄未開尙多翰墨結用儕今朝笑

煞逋遙客却是雙旌五馬來 奕禧戲題 印二 六 嘽 朱文

連珠 引首 師古 朱文長 方印

按奕禧字六謙海甯人附貢生官南安知府工詩善書所書有予甯堂帖十卷藏於家雍正甲寅勒石內府為夢墨樓帖士論榮之著有金石遺文錄十卷封叟題跋一卷皋蘭載筆二卷小名補錄一卷益州于役記四卷北解雜述一卷北行日記一卷晉湯行記一卷雲中紀行一卷陳子日記一卷奇花異木記一卷含香新牘一卷春靄堂集十八卷秋雨齋集一卷虞州集二卷笑門集一卷綠陰亭集一卷

第八葉何焯行楷 紙本 十六行

西園到日栽桃李紅白低枝拂酒杯  
艷只愁風露落醉遮多就月中開  
勸人莫折憐芳早把燭頻看畏曉催  
聞道數年深草露幾株猶得近池臺  
班楊秉文史對院自為隣餘香掩閣  
去遲日看花頻似雪飄闐闐從風點  
近臣南宮有芳樹不並禁垣春 唐人  
律詩奉 蓄齋先生親家

清鑑

義門何焯

印二

何

焯

朱文連珠方印

按焯已詳尺牘冊中

第九葉陸奎勳行楷

紙本

十五行

幽居遣日鎮吟詩縱不求工可自怡淮海才華人盡賞杜陵懷抱俗難知千層萼放無佳實五采章成本素絲解道離騷根四始艷情綺語總非宜近作一律為諤菴學長兄書即祈 郢政 陸堂奎勳

印二

陸奎勳

印白文迴文方印

坡星

朱文方印

引首印一

陸堂

朱文橢圓印

按奎勳已見詩翰冊

第十葉黃日起行楷

紙本

三十五行

蘭亭叙草王右軍平生得意書也反復觀之略無一字一

筆不可人意摹寫或失之肥瘦亦自成妍要各成之以心會其妙處尔曹繇李志輩書字政與右軍父子爭衡然不足傳也所謂敗壁片紙皆傳數百歲特存乎其人耳右軍嘗戲為龍爪書今不復見余觀瘞鶴銘勢若飛動豈其遺法耶歐陽公以魯公書宋文貞碑得瘞雀銘法詳觀其用筆意審如公說山谷論書語為燕貽道兄時暮春望日

黃日起書

印二

黃日起印

白文迴文方印

伊旦

朱文方印

按日起字伊旦吳人工書又善畫能以澹墨寫瘦石不加渲染而陰陽自顯見畫徵續錄

第十一葉梁同書行楷

紙本

十五行

搢墓歸來王內史暮年都付代書人小生那敢希前括只合從人役苦辛可咲塗鴉逾四紀半生白日此中顏書

家縱有凌烟閣恥把千秋託麝煤 我自無心結蛇蚓錯

傳帝陟五雲如世閒到底無真賞認殺題名一字書 近

作書為 後山學長兄一咲 山舟同書 印一 山舟朱文方印

按同書字元穎錢塘人文莊公詩正子乾隆十七年壬申欽賜進士官侍講告歸後足不入公門惟日以

筆墨自娛至嘉慶乙亥卒年九十有三著有頻羅庵詩集五卷文集三卷題跋四卷直語補證一卷日貫

齋塗說一卷筆史一卷茲所錄七絕三首見原集第三卷題為謝客五絕句此錄其前三首也惟第一首

第二句下註云義之告靈以後不復自書皆使代書人見陶隱居答武帝啟第四句下註云崎嶇碑碣之

閒辛苦筆硯之役見顏氏家訓第三首題名作簽名

第十二葉翁方綱行楷 紙本 二十四行

衆木一蟬聲沙邊出晚晴山添斜照紫水浸斷虹明隔岸

牛羣小投林鷺子輕沆寥天萬里供作縷霞橫 山行雜

詩 梁峪高伍路良朋憶不勝石橋同歇馬山店共挑燈

杜甫裏沈綺元暉詠玉繩每宵行役感悵倚暮雲層 熱

河道中疊舊韻懷 習庵官庶二首之一 方綱 印二翁

方綱

朱白文

正三

朱文

引首

校書天祿

朱文長

按方綱已詳尺牘冊茲所錄五律兩首第一首見復初齋集第二十九卷山行雜詩共有八首此其一也

第十三葉奚岡行楷

紙本

三十六行

野鳥奮疾翮高飛觸網羅網羅幸見脫傷羽其如何山林

豈不廣欲依無枝柯所畏非江湖地上有風波辱君清曠

裏為我發浩歌雅辭謝繁藻鋒利如太阿盧帷鑑微月霜

森颯時過三瓊寒鐙下徒增慷慨多

夜讀胡荊唐贈余犯夜後之作

終

身幾高會三醉度一句活雲寫襟抱曠達任吾真官齋日

清暇相過逐主賓主人政化靜吏隲同逸民粉署接荒圃

寒近回陽春風香坼疏梅煙影搖蒼筠歡洽吟尊合淡泊

情倍親感君仁厚意容我蓬蒿人

集曹參軍雲樵官舍

掩闌息交

遊入歲少拜賀華硯亦復疏自咲太慵惰靈辰快雪晴君

家喜一過同儕二三子小集作詩課情幽鳥爭喧香疏梅

欲破碧菜薦春盤新酒釀秋糯良會得固難佳節去無那

孫郎期不來悵然虛此坐

人日集項秋子半觴時孫半峰不至

流光去堂

堂日月如轉磨乍逢歲更新旋已試鐙過士達無絆羈歲

歉多輒軻安樂非所希得聞已可賀每愛次公狂時習嵇

康情四十尙無成落落羞老大多君詩酒招頻過迭倡和

厖齋敞幽閒唸行復醉卧豕亦願携尊來偕玉山坐少待



梅花開于焉作清課

試鐙後一日集葑唐古歡書屋復得坐字

蘭坛大兄先

生教削

鐵生弟岡呈藁

印一

奚岡

朱文方印

按岡已詳尺牘冊中

第十四葉吳錫麒行楷

紙本

十七行

雀羅清夢此宵安銀燭春星爛不寒薄醉難忘中聖酒名  
花怡稱上林官一枝紫禁棲鸞穩十里西山躍馬看為憶

六朝香粉路年年風日滿長干

江嶺雲荒積翠稀盡依

三十二峰歸因貪暇日推篷卧又見羣嵐落照微四面漾

波開碧鏡半天飛霧捲征衣何時絕頂臨煙舸扶曳支筇

興豈違

月樵先生屬書

穀人吳錫麒

印二

吳錫麒印

白文迴穀人朱文方印

按錫麒字聖徵錢塘人乾隆四十年乙未進士官祭酒詩文名震中外高麗使者抵京師至以金餅爭相購著有正味齋詩文集五十六卷詞集十卷外集五卷

第十五葉錢善揚行書

紙本

十六行

水村山郭酒初香  
紵影青青字一行  
爐畔低懸花霧濕  
檐陰斜揭柳風涼  
指揮意馬衝愁陣  
搖曳心旌入醉鄉  
惆悵步兵招不起  
半竿空自舞斜陽  
善揚書

印一

百谷

朱文方印

引首蕭灝書

朱文長方印

按善揚字百谷秀水人載孫世錫子諸生詩書畫恪承家學又長於金石攻據並善鑒別著有儿山吟稿

第十六葉郭麐行楷

紙本

十四行

五嶽嵩當天地中  
聞君仍在最高峯  
山藏六月陰厓雪  
潭養千年蛻骨龍  
物外自應多至樂  
人閒何事忽相逢  
飲罷

飄然不辭去孤雲飛盡了無蹤

少桐四兄

邵磨

印一

郭磨之印

印白文

按磨字祥伯吳江人寓嘉善姚鼎弟子諸生而右眉全白豐標秀異年三十後絕意進取專力於詩古文詞蛻然出塵埃之表書法山谷盡得其神髓著有金石例補二卷江行日記一卷樗園消夏錄三卷麋餘叢話六卷靈芬館詩集三十九卷詞六卷雜著十四卷詩話二十六卷

第十七葉陳鴻壽行楷

紙本

十七行

晚際開襟共看茶山頭雲起野風顛白龍潭上飛來雨引

我菰蒲疫泊船

三更雨歇冷於秋翦燭題詩剗未休四

面亂蛙聲裏坐不知元在古杭州

簡齋兄屬

陳鴻壽

印一

曼生

印白文

按鴻壽字子恭錢塘人嘉慶六年辛酉拔貢官淮安同知詩文書畫篆刻人習知之無庸贅論其宰宜興

時嘗取砂質辨別精良親製茗壺并自撰句鐫銘名聞中外今稱為曼生壺者即公所創也著有桑連理集

第十八葉高塏行楷 紙本 十四行

秋疇夾岼隔深溪東水何緣到得西溪面祇銷橫一峴水  
從空裏過如飛 晴明風日雨乾時草滿花隄水滿溪童  
子柳陰眠正着一牛喫過柳陰西 誠齋詩書為 菊卿

四兄屬 爽泉高塏 印一 子高 朱文

按塏字子才錢塘人遭遺命不事舉業專攻八法近人莫能過之卒于道光己亥年七十

第十九葉朱為弼篆書 紙本 十四行

叔師父作尊鼎其永寶用 唯四月初吉正考父作文王  
寶尊鼎其萬年無疆子孫永寶用享 陽宗使者舍熏廬

一有盤及蓋并重四斤 道尧戊戌初夏 亦園大兄屬

摹

茶堂朱為弼

印一

朱為弼

白文方印

按為弼已詳尺牘冊

第二十葉毛懷行楷

紙本

十二行

東坡題魯直艸書爾雅後云魯直以真實心出遊戲書以平等觀作欹側字以磊落人錄細碎書亦三反也 辛亥新秋錄坡仙語應 耕堂先生雅屬 意香毛懷

印

白文連珠方印

引首

吳儂

白文長方印

按懷字意香長洲人工入法亦善吟詠著有意香牘稿南園草堂集

清名人畫扇策冊

凡十六葉

縱橫尺寸不等

第一葉王翬墨山水

金箋本

近身作雜樹數株出土坡上對面疊以土山中有一  
徑蟠曲而上至高處峙一亭上面視遠山數層似仿  
吳仲圭筆  
法極雄渾

癸亥三月既望為 叙翁先生戲墨 王翬 印二 石谷子

朱文 方印 王翬之印 方印

按翬已詳  
尺牘冊中

第二葉惲壽平仿李營邱雪山圖 紙本

淺絳山峰透出扇外岡巒綿亘環抱一塢塢有山家  
籬落叢樹圍之其外坡上及山腰作各種寒林離披  
掩映極意寫嚴冬時氣象  
也此為南田極用意之作

辛夷六月在西溪竹下撫李營丘雪山畵為 枚吉大兄

消暑因憶客冬聚首正積雪嚴寒時也 壽平識 印二 壽

平 白文 方印 正文 朱文 方印

第三葉憚壽平仿曹雲西谿山平遠圖

紙本

淺絳作近景山水坡上大石一堆大樹五株分披左右石後見小亭竹梢後連平山一角沙腳數層鎖為水口上有遠山青痕以盡餘勢

摹曹雲西溪山平遠

南田壽平

印一

南田小憲

白文長方印

看泉身似未離山柳路斜通竹澗灣一片微茫寒翠合此  
中風月異人間 十松道兄將有遠行枉過見此扇愛其  
氣韵高古即以贈行并錄舊句 庚申秋七月壽平識 印

一  
未子

朱文  
方印

第四葉憚壽平墨柏

紙本

以溼筆作古柏上不見頂下不見根老幹橫撐虬枝蟠結山石皴礪僅露其首隙處以新篁補之極滂沛之作絕似元人

叅天望黛色盤雲起赤虬百仞見枝葉八千為春秋 甌

香館戲圖

壽平

印一

惲正叔

方印

按壽平已詳前冊所錄十松箴中之舊作載甌香館集第七卷題為題石谷子畫水竹幽居圖贈江上翁

第五葉沈岸登枯木竹石

紙本

以禿毫涇筆寫平遠景坡石兩疊夾出山徑秋榆六株粗疏崛強林閒露屋屋後樹頂已在隔谿矣徑尾有板橋對面有山腳統幅淺赭而遠山亦赭為之極蒼古

戲寫井西道人筆意

情畊村叟

印一

南淳

朱文長方印

按岸登字覃九平湖人生平屢空晏如不求聞達有沈石田文衡山之風誠吾鄉之高隱士也善寫山水蘭石瀟灑澹遠兼擅詩詞書宗二王時稱三絕又工鐵筆著有春秋紀異若干卷韻鈔二卷黑蝶齋詩鈔四卷詞鈔一卷

第六葉蔣廷錫花卉

金箋本



工細設色沒骨法紅白千葉桃大小兩枝中夾雙鉤  
綠竹嫩枝色極濃厚而意極閒靜不多見之精品也

臨宋人折枝本 南沙蔣廷錫 印二 西君 朱文 廷錫 方印 白文

按廷錫字揚孫常熟人康熙四十二年欽賜進士官  
大學士謚文肅博學精敏尤工寫生神妙與宋元人  
爭獨著有尚書地理今釋青桐軒集

第七葉張庚仿黃鶴山樵山水 紙本

乾筆解索披麻皴以淺絳色寫極茂密之景近身長  
松林立下露矮屋隔岸大石對峙露澗口有橋橫亘  
石上雜樹紛披有夾有單重重點出以分遠近  
石坡數疊抱以雄厚高峰此仿古中得意作也

夏日山居倣黃雀山人法 柳垞學長兄正 秀水弟

張庚時王子早秋上浣 印一 張庚印 方印 白文

收傳印記秋枚 朱文 方印

按庚字蒲山秀水人乾隆丙辰薦試鴻博工詩古文  
詞尤精繪事晚益研求元四家山水氣韻深厚著有

綱目釋地糾謬補註十二卷畫徵錄三卷  
續二卷強恕齋文鈔五卷詩四卷詞一卷

第八葉萬上遴仿董北苑山水

紙本

作高峰三四頂出於雲際近身有叢林密樹水口人家皆在山之腳也用墨極肥鉤勒後趁溼渲染故得濃厚乃爾

曲江七兄正倣北苑筆意 丙寅五月輞岡上遴

印一

五

上遴

朱文葫蘆印

按上遴字輞岡南昌人工書善畫山水法董巨頗得遺意至今東南人士極愛重之

第九葉翟大坤墨山水

紙本

上有虛白左首寫泉源水口亘以山坡一角坡邊綴卷石坡面有草亭蔭以叢竹右首坡勢漸高出秀木五株橫撐半幅筆極秀麗墨復鮮明大旨亦從倪曹兩家所出

壬寅孟春寫於吟濤書屋 雲屏翟大坤

印一

大坤朱文方印

按大坤字子屋晚年病耳因號無聞子嘉興人居吳山水兼綜各家任意揮灑皆成妙構於倪沈尤合度寫生得古法性亦瀟灑於嘉慶甲子年卒其子繼昌孫成基均能世其學

第十葉方薰仿陸天游山水

紙本

兩山對峙勢均斜上山根迤邐而來至近身疊成平坡有巨石長林蔭草亭畔筆極簡淨

仿陸天游畫

樗盦方薰

印二

方

薰

朱文連珠方印

右壓角印一

來士

朱文方印

按薰字樗盦石門人布衣性高逸狷介樸野如山僧山水結構精微風度閒逸花鳥草蟲皆妙書法褚河南詩詞閒淡工細耐人尋味著有山靜居論書畫四卷山靜居集八卷詩話二卷詞二卷

第十一葉奚岡仿黃大癡山水

紙本

岡繼斜上自左至右故村舍林木皆在右首大山之下其左山勢漸遠下露平湖一片沙岸數重筆極渾融其法曾於董華亭見之

倣大癡道人筆意

蒙泉外史

印二

蒙泉外史

方印 奚岡

朱文  
方印

按岡已  
詳前冊

第十二葉潘恭壽臨董文敏山水

紙本

以粗筆溼墨寫近景山林下出雜樹數株內有村舍  
外有板橋用墨不多筆勢極縱又似雲林氣象所云  
文敏真蹟殆亦  
從雲林摹來耶

董文敏真蹟為

耀卿大兄臨

弟恭壽

印一

慎夫

朱文  
方印

按恭壽字慎夫丹徒人監生畫山水以王宸宿雨初  
收曉煙未泮八字奉為祕訣又善吟詠故畫中每含  
詩意花卉人物無施不工更虔寫佛像像惜  
享年不永於乾隆甲寅卒年僅五十有四

第十三葉孫均花卉

紙本

墨筆空鉤水仙花外用淡青色染  
地再以小綠竹襯於花後極冷雋

古雲

印二

孫均方印

古文

方印

按均字古雲仁和人文靖公士毅孫嘉慶朝襲伯爵官散秩大臣善花卉工篆刻收藏之富甲於東南嗣以母老告歸僑寓吳門日與名流酬唱此葉為頻伽寫生殆其時歟

第十四葉阮元墨蘭

紙本

以淡墨筆雙鉤蘭綴於卷石後以濃墨添野小竹數叢於左角其右空地書詩

天使浮雲自往還春晴喜借一舟閒共舒中禁鐙前目來

看西湖雨後山

元與

裴山同年小峴觀察

吾輩冠裳烟

水上君家祠宇竹松閒欲將千首新投句都就詩人子細

刪

新得諸生表忠觀落成詩千餘首

小峴觀察招遊湖上晚謁表忠觀

適裴山同年過訪未值有詩見投敬報一律即請教

正

愚弟阮元

印一阮元印朱文

按元字伯元儀徵人乾隆五十四年己酉進士官大學士蓋文達公文章政績彪炳寰區而畫則未經一見近時著錄家亦未云其能畫者此葉係贈於吾郡錢裴山先生並錄近作雖云小品確係真蹟蓋聰明由於天授信乎其無施不可矣著有十三經註疏校勘記二百四十三卷儀禮石經校勘記四卷曾子註釋四卷詩書古訓六卷車制圖考一卷經籍纂詁二百十六卷積古齋鐘鼎款識十卷兩浙金石志十八卷補遺一卷山左金石志二十四卷粵東金石略十六卷四庫末收書目提要五卷疇人傳四十六卷廣陵記事十卷學經室初二三集第五十卷續集十一卷茲所題七律一首見第四集第二卷投句集中作題句並以附誌

第十五葉方絜山水

紙本

以圓渾之筆寫山林近景一徑盤旋兩旁山石長林五六株秋色爛斑中有板屋數椽屋後復有秋林擁護岸側繫一舟人坐舟中對岸板橋港汊隱見遠山數痕

丙辰冬寫奉

秋江先生教正

蒼溪方絜

印二方絜

治庵

朱白文連珠方印

按絜字矩平黃巖人工詩善書畫嘗遊禾中與諸名士結交甚廣爰倩湯貞愍公貽汾繪石交圖以見志名人題詠殆徧一時傳為韻事其圖今印入神州國光集第十二卷

第十六葉韻可墨梅

紙本

以淡墨筆寫古梅一大枝形殊夭矯筆極肥渾

香中別有韻清極不知寒豈甲戌冬十一月朔日木石道

人寫

印一鐵舟

白文方印

按韻可字鐵舟江夏人在吳縣李主廟為僧畫蘭竹蕭灑出塵並善鼓琴能揮金結交寒素吳越閒聲名甚噪道光初年圓寂

愛日吟廬書畫別錄卷四

當湖葛金烜景亮父鑒藏

第三子嗣汾續纂

各種楹帖

吳偉業行楷五言

紙本

高四尺二分

闊九寸七分

苔侵蘿逕屐

松覆石床碁

偉業

印二

吳偉業印

白文方印

梅村

朱文方印

引首

寄襄室

朱文長方印

按偉業字駿公太倉人崇禎四年辛未會元榜眼官少詹順治十年徵為祭酒至康熙辛未卒年六十有三書法以顏為骨以趙為態山水得董黃遺意清疏韻秀與董其昌李流芳程嘉燧卞文瑜卞彌楊文驄王時敏王鑑張學曾友善作畫中九友歌以紀之詩名滿寰宇世稱梅邨體著有春秋地理志十六卷春秋氏族志二十四卷綏寇紀略十二卷補遺三卷梅邨詩集十八卷文集二十卷詞二卷

陸隴其行楷七言

紙本

高四尺九寸六分

闊一尺一



從大學修身為本 法中庸素位而行 稼書陸隴其印

二稼書方印陸隴其印朱文

按隴其字稼書平湖人康熙九年庚戌進士己未薦鴻博丁憂未試由嘉定知縣擢御史沒後簡江南學政贈內閣學士諡清獻崇祀文廟為學一準程朱性謙謹和厚及辨學術是非論民生休戚則又侃侃少依回蓋當代儒宗也生平撰述大半刊行於世書法二王世不多見著有古文尚書考一卷禮經會元疏釋四卷禮編四卷讀禮志疑六卷四書大全四十卷講義二十卷松陽講義十二卷松陽鈔存二卷四書困勉錄三十七卷靈壽縣志十二卷治嘉格言一卷荏嘉遺蹟三卷荏政摘要二卷三魚堂書目一卷讀朱隨筆四卷問學錄四卷續錄六卷呻吟語質疑一卷學術辨一卷戰國策去毒二卷三魚堂臆言十卷附錄二卷今里人策刻為陸子全書

禹之鼎行書七言 紙本 高四尺九寸二分 闊一尺一寸二分

內典相傳唐翰墨 清言猶見晉風流 康熙四十三年

秋八月 禹之鼎 印二 口朝 朱文 禹之鼎 印二 白文

按之鼎字上吉江都人康熙年以善畫供奉內廷官鴻臚寺序班性極高雅有某巨公急召寫照蒲伏運

筆殊形其苦遂決歸計時竹垞翁有詩送之草書能絕去繚繞安詳渾厚與明之王雅宜相近

陳奕禧行楷七言 分紙本 高四尺二寸三分 闊八寸三

山外煙霞大癡畫 庭前花鳥少陵詩 奕禧 印二 陳奕

禧印 白文迴 六嘍 朱文 引首 萬卷樓 朱文長 上聯左

一香泉 朱文 方印 壓角印

按奕禧已詳扇冊中

陳邦彥楷書七言 紙本 高四尺七寸二分 闊一尺

蝶知好客穿花舞 鶯鮮催詩傍柳眠 陳邦彥 印二 陳

邦彥印 白文迴 世南 朱文

更目今重書畫川錄 卷四 二

按邦彥字世南海甯人元龍姪康熙四十二年癸未進士官禮部左侍郎學問淹博而性極和易洵承平時大臣風度書亦如之安步雅歌自成名雋著有宋史補遺謚法考春暉堂書日讀書志各若干卷烏衣香牒四卷春駒小譜二卷墨廬小稿一卷春暉堂集又奉敕編定歷朝題畫詩類一百二十卷

何焯楷書五言

紙本 高三尺七分 闊七寸五分

雅淡琴聲古

溫純玉性真

無款

印二 何焯之印

朱文方印

岐瞻

朱文方印

按焯已詳尺牘冊中

張照行楷五言

紙本 高四尺五寸二分 闊一尺五分

閒居草木侍

燕坐古今趨

張照

印二 張照之印

白文方印

得天

朱文方印

按照字得天婁人康熙四十八年己丑進士官刑部尚書謚文敏才思敏捷又工畫梅及大士像精通釋

氏教故所作詩多涉禪語著有得天居士詩文集書  
宗顏米得董文敏真傳為藝林所宗其婿曲阜孔繼  
涑為刻玉虹樓瀛海仙班等帖行於世此聯為徐忠  
愍公贈余作遺念之品並詳第四卷揮壽平小幅中  
高其佩行書五言紙本 高三尺四寸五分 闊七寸七

心冰消夏暑 目炬長春光 為 單升宗姪 高其佩

印三 高其佩白文方印且園朱文方印非我所能為者白文方印引首

不古不今朱文橢圓印

按其佩字韋之鐵嶺人廕生官刑部右侍郎正紅旗  
都統工指頭畫山水人物信手拈來動成妙趣書法  
更佳亦善吟詠此聯用筆結體  
純乎元章極險而韻可藥膚庸

朱稻孫隸書七言紙本 高四尺一寸二分 闊九寸八

鵲群鼠繞三珠樹 半氣渾如百味香 庚辰秋仲書

娛却朱稻孫時年七十有九印二朱稻孫印朱文方印迴稼翁

白文  
方印

按稻孫字芋陵秀水人彝尊孫昆田子附貢生考授縣丞乾隆丙辰薦試鴻博性剛介不容物惟以詩文

翰墨世其家卒於乾隆庚辰年七十九是聯適作於是年何相值之巧也著有六峰堂詩稿十七卷

金農隸書五言

紙本 高四尺二寸二分 闊八寸三分

門無閑造請

庭有好風日

稽畱山民金農

印二

吉金

氏

朱文  
方印

冬心先生

朱文  
方印

按農字壽門仁和人僑寓揚州監生乾隆丙辰薦試鴻博博學好古工詩古文詞年五十始學畫涉筆花

卉佛像無一不古趣盎然篆刻力摹秦漢古隸蒼勁奇逸此聯筆墨雖粗布白極整其曳腳之尖勁則得

之天璽紀功碑著有畫竹題記一卷冬心先生集四卷三體詞一卷

厲鶚行書七言

紙本

高四尺七寸

闊六寸八分

穿花蛺蝶深深見

點水蜻蜓款款飛

甲辰六月八日

予將北游幼魯尺鳧諸君餞予湖上泊舟柳影荷中山  
水浮動涼氣沁人肌骨緣孤山掠蘓堤入西泠橋以泊於  
裡湖時意林鼓琴敬身作小篆楹聯樂城觴碧筩勸客予  
與尺鳧各書數聯分贈諸君又各賦探春詞極暮乃罷去  
既歸南齋尺鳧以炙甜香供客風味幽寐前明宣宗時禁  
中製也屬予記之 樊榭厲鶚太鴻 印二太鴻 方印 白文 長厲

鶚詩詞

方印 白文

上聯右壓 瘦吟閣

朱文

方印

按鶚字太鴻錢塘人康熙五十九年庚子舉人乾隆  
丙辰薦試鴻博以違式罷歸學問淹洽而性極孤峭  
義不苟合故所如輒左詩於漁洋竹垞外獨闢一徑  
書亦秀雅絕倫此聯栩栩欲仙超乎筆墨之外尤覺  
神妙南田或能到此他人非所望也著有遼史拾遺  
二十四卷補五卷宋詩紀事一百卷南宋遺院錄八  
卷東城雜記二卷樊榭山房詩集十六卷詞四卷文  
八卷集外詩詞七卷湖船錄絕妙好詞箋各若干卷

愛日吟廬書畫別錄

卷四

四

鄭燮楷書七言

紙本三分

高四尺七寸八分

闊一尺一寸

開卷檢農黃齋冊

揮毫跋班馬奇香

冬心先生來維

揚杯酒言懽永朝永夕今先生將歸武林歲月逝矣後會

不知何日臨別書十四字贈之時午邨六在座竹汀未來

板橋鄭燮識

印二

鄭燮之印

白文方印

板橋道人

朱文方印

按燮字克柔興化人乾隆元年丙辰進士官濰縣知縣工詩詞善書畫蘭竹石稱三絕書則孕分於楷自成一派此聯亦隸楷相參惟六朝精墓志有此境界君於舉世未為之時先開此法迨鄧完白出而漢碑之學大興非具大識見大魄力者不敢為也著有板橋詩詞鈔五卷家書一卷

清高宗楷書七言

絹本

高四尺七寸四分

闊六寸八

諸方普被慈雲蔭

萬象同歸法鏡圓

無款

印二

乾隆

宸翰

朱文方印

惟精惟式

白文方印

引首

奉三無私

朱文方印

龍

按高宗在位六十年寰宇乂安文臣輩出為有清一代極盛之世工詩善書與諸臣工唱和撰述至不勝紀著有樂善堂御製詩文

初二三四五集一百餘卷

劉墉行楷七言

冷金箋本

高八尺八寸二分

闊一尺

舊學商量加邃密

新知涵養轉深沉

劉墉

印二

劉墉

之印

白文

石菴

白文

引首

御賜海岱高門第

朱文夔龍

劉墉行楷七言

紙本

高四尺一寸六分

闊九寸五分

一簣白雲邀月醉

滿階黃葉擁詩眠

劉墉

印二

臣劉

墉印

白文

石菴

朱文

劉墉行楷七言

紙本

高四尺四寸

闊六寸五分

春風初到梅花帳

明月還臨霽雪天

石菴居士

印二

劉墉之印

白文

石菴

朱文



按靖已詳詩翰冊中

梁同書行楷八言

蜜黃花箋本 一尺四寸

高六尺八寸七分

闊

室有天游興與古會

水因竹靜風為蘭和

嘉慶乙丑

之春八十三老人同書書

印二山舟方印

梁同書印 白文

印方

梁同書行楷五言

冷金箋本 寸

高三尺一寸二分

闊七

佛容為弟子

天許作閒人

秋渚先生屬書

山舟梁

同書

印二

山舟方印

梁同書印

白文 迴文方印

按同書已詳扇冊中

倪承寬行楷七言

花絹本 四分

高五尺一寸二分

闊一尺

多開石髓供調膳

更取峯霞入酒杯

書為

蘭巖老

學長兄 錢唐倪承寬 印二 倪承寬印 白文迴字餘疆號

敬堂 朱文 印首 王龍池 朱文精

按承寬字餘疆仁和人國璉子乾隆十九年甲戌探花官倉場侍郎授諸皇子讀二十餘年誠懇詳慎詞理精密為人所難旁通繪事惜不多作書則深得李北海法與當時臺閣不同足稱健者

王文治行楷七言 冷金箋本 高四尺七寸二分 闊一

文人天趣清猶水 賢者風期靜若蘭 集契帖 夢樓

王文治 印二 王文治印 白文迴 曾經滄海 白文 印首 柿

葉山房 朱文長

王文治行楷七言 紙本 高四尺七寸四分 闊八寸四

家無山住因藏畫 天許人閑只灌花 夢樓王文治 印

二王文治印 白文迴 曾經滄海 白文 印首 柿 葉山房 朱

長方印

王文治行楷八言

紙本 高四尺八寸 闊七寸

林陰清和蘭言曲暢

流水今日脩竹古時

集契帖

文治

印二

王文治印

白文迴方印

曾經滄海

白文方印

引首

柿葉

山房

朱文長方印

按文治已詳尺牘冊

孔繼涑行楷七言

花箋本二分

高四尺六寸四分

闊一尺

前輩典型書卷氣

秀才風味菜根香

孔繼涑

印二

涑

白文方印

信夫氏

白文方印

引首

玉虹樓

朱文圓印

楷

按繼涑字體實曲阜人至聖六十九世孫衍聖公傳鐸季子張文敏公照之婿乾隆三十三年戊子舉人博學好古尤精於書此聯出歐入蘇風流倜儻而轉折處勢獨方厚望而知為金石家手筆刊有玉虹樓

帖十六卷鑑真帖二十四卷摹古  
帖二十卷國朝名人書法十二卷

汪端光行書七言絹本 高四尺九寸七分 闊一尺四

茶熟碧雲凝午椀 酒香紅雨滴春槽 汪端光 印二端

光之印 朱白文 劍潭方印

按端光字劍潭儀徵人乾隆三十六年辛卯順天舉人召試授國子監學正官鎮安知府夙工詩古文詞告歸後愿主書院為時輩推服書更神妙此聯鋒卓氣超以濃淡墨趁勢書之惟董文敏曾開此法著有

據梧書屋詩鈔十六卷詞六卷

錢坫篆書七言 高麗紙本 高三尺八寸八分 闊五寸六分

江山重疊爭共眼 風雨从橫亂入樓 錢坫 印二錢坫

私印 朱文 梨山祭尊 白文 方印

按坫已詳詩翰冊中

王霖隸書七言 紙本 高四尺四寸四分 闊七寸四分

湖上脩眉遠山色 風前薄面小桃華 時戊辰穀雨節

王霖 印二 白下王氏 方印 白文 春波居士 方印 朱文 長 引首 芳艸

王孫 方印 朱文

按霖字春波江甯人監生官福建鹽尹善山水人物花卉又工篆隸見莫愁湖志及江甯府續志此聯似從史晨乙瑛諸碑出而得游行自然之妙志乘所載洵不誣也

鄧石如行書八言 冷金箋本 高五尺 闊六寸八分

晴雲秋月塵埃不到 高言妙句音韻天成 完白山人

鄧石如 印二 石如 方印 白文 完白山人 方印 朱文 引首 笈游道人

朱文長方印

按石如原名琰因避諱以字行更字頑伯懷甯人與張惠言同講經學上彖刻世稱鄧派書則於秦漢唐

古碑臨摹各百本之多包世臣推其篆隸為神品第一此聯行書結體與梁同書陳鴻壽似無二致而使轉處游綫頓挫多無限作用此等力量由於食古之深所謂虛者實之實者虛之醇而後肆不可方物矣

奚岡行書七言

紙本

高四尺六寸二分

闊一尺六分

桐陰清閨雲林閣

虹月滄江海岳船

鐵生奚岡

印二

奚岡之印

白文

蒙泉外史

朱文

按岡已詳尺牘冊中

蔣仁行楷七言

紙本

高四尺一寸四分

闊七寸六分

不因果報方脩德

豈為功名始讀書

丙申秋日書於

鳳皇岡下之快軒

吉羅居士仁

印二

蔣仁

朱文

山堂

朱

印方

按仁字階平仁和人鐵筆與丁敬黃易奚岡同稱為丁黃奚蔣至今摹篆刻者羣奉為浙派並善山水詩

亦清超拔俗而尤精於行楷此聯用力於空中著墨不多故游行無礙也

成親王楷書七言 紙本 高四尺七寸 闊一尺八分

新添十竹皆紫玉 恰對萬山如畫屏 成親王 印二成

親王 印 白文 詒晉 印 白文

按成親王已詳尺牘冊中

王芑孫行楷十二言 冷金箋本 高八尺四寸 闊一尺五寸

以三光五嶽未分之氣養其源 從八索九邱以來之書

窮所學 芑孫謹書 印二 惕甫 印 白文 楞伽山房 印 朱文 首引

印 三賦蓬萊 印 白文 長

按芑孫字念豐長洲人乾隆五十三年戊申召試舉人官華亭教諭學問該博而性簡傲在京屢主巨公常金盡裘敝不自恤與法式善張問陶諸君琴歌酒賦為南北時望所推書仿劉文清具體而微此聯學

古而自為烹錄兼以名紙佳墨遂成精采奕奕之書  
著有碑版廣例十卷淵雅堂詩集二十卷外集二卷  
詞一卷未定文稿二十六卷集外文四  
卷詩續一卷文續一卷讀賦厄言一卷

伊秉綬行書五言

紙本 高三尺五寸八分 闊一尺

賞心於此遇

欲辨已忘言

寧化伊秉綬

印二

伊秉綬

印

白文迴墨卿方印

按秉綬字組似甯化人乾隆五十四年己酉進士官  
揚州知府總持風雅文采照耀一時工詩善畫尤精  
篆隸秀媚古勁獨知一家此聯乃以篆分  
作真行安得不妙著有留春草堂集七卷

桂馥隸書四言

紙本 高四尺二寸四分 闊八寸八分

發揮新意

芟蕩陳趨

惲南田題王石谷畫有此八字

雪門桂復

印二

桂復印信長壽

白文 方印 若生 白文 上聯 方印 右 壓

角印

未谷隸書

白文 方印



按獲字冬卉曲阜人乾隆五十五年庚戌進士官永平知縣學問該博於金石攷據之學最深詩畫篆刻皆臻神妙而尤精於篆隸此聯摹漢潘乾校官碑意斯碑久無人通消息得公書之神采出矣著有說文義證五十卷繆篆分韻五卷札瑣十卷續三十五舉一卷晚學集八卷詩五卷

洪亮吉篆書七言

紙本

高四尺七寸二分

闊一尺七

心地種成如意玉

性天養到及時華

洪亮吉

印二亮

吉之印

白文

更生居士

朱文

按亮吉已詳詩翰冊

張問陶行楷八言

紙本

高四尺一寸八分

闊九寸

剛日讀經柔日讀史

無酒學佛有酒學仙

丙辰十一

月始雪

船山張問陶

印二

張問陶印

白文

張氏柳門

朱

印方

按問陶已  
詳詩翰冊

張廷濟隸書七言

紙本 高四尺七寸五分 闊一尺

湯股孔鼎胄述作

劉略班藝供擘按 用史晨前後碑

百石卒史碑法參以篆籀結體 道光乙酉季冬八日

清儀閣主人書

印二 廷濟 白文 張未未 白文

按廷濟字秋未嘉興人嘉慶三年戊午解元書學蘇  
米隸摹漢唐最耽於金石文字之學蒐羅極富賞鑒  
極精故每有撰述琅琅出金石聲收藏家得有古器  
古拓必待其審考而真偽始定一經題識聲價自增  
著有古款識考金石奇緣墨林清話各若干卷桂馨堂詩集十三卷

陳鴻壽隸書四言

紙本 寸七分 高三尺八寸六分 闊一尺一

貞賢是與

琴書自娛

陳鴻壽

印二

曼生

白文

陳鴻壽

印 白文 迴  
文方印

陳鴻壽隸書七言

紙本 寸二分

高四尺五寸四分 闊一尺二

眇筆相傳蘇玉局

新詞爭倡柳屯田

曼生陳鴻壽

印

二曼生

方印

陳鴻壽

印

白文 迴文方印

陳鴻壽行楷七言

蜜黃冷金箋本 闊一尺八分

高五尺九寸八分

荆玉南金式溫厲

青麋白雀動神明

曼生陳鴻壽

印

二曼生

方印

夾谷亭長

朱文 方印

按鴻壽已詳扇冊中

陳文述行楷七言

粉紅冷金箋本 闊一尺八分

高四尺四寸五分

喬木百年多雨露

畫圖四壁有煙霞

琴野香岑兩兄

招集宜園樂山堂即景撰句書奉

大雅之教

癸酉初

夏望後一日南江弟陳文述并跋

印二

陳文述

印 白文 迴文方印

雲伯一字榮伯

朱文方印

按文述字雋甫錢塘人鴻壽從弟嘉慶五年庚申舉人官全椒知縣改官江甯性恬退專事吟詠書亦圓湛無匹流傳絕少此聯完善如新尤屬可貴著有碧城仙館詩鈔十卷文鈔一卷願道堂詩選十四卷外集八卷珠陵集六卷西冷閣詠十六卷岱游集一卷

卓秉恬行楷七言

紫紅冷金箋本闊一尺一寸四分

高四尺七寸四分

度仰春雲珠有彩

心含寶月鏡生光

王民老友太守

政書

海帆卓秉恬

印二

卓秉恬印

白文迴文方印

大學士章

朱文

印方

按秉恬字海帆華陽人嘉慶七年壬戌進士官大學士諡文端性孝友工詩文崛起田間弱齡通籍歷事三朝垂六十年功建名立為世所罕書亦春容大雅此聯純似蘇書而出以蘊藉臺閣中名品也著有海帆詩文集

何凌漢行楷七言

冷金箋本 尺五寸五分

高四尺五寸二分

闊一

更欲題詩滿脩竹

安得健步移遠梅

星槎大兄屬

何凌漢

印二

何凌漢印

白文仙查方印

按凌漢已詳尺牘冊

姚元之隸書七言

紙本

高四尺四寸

闊一尺五分

日昃起居方養壽

家多餘樂迺長羊

道光十有三年

上巳前日

竹葉亭生姚元之

印三

元之

朱文葫蘆印

姚氏伯

印

朱文方印

元

朱文方印

按元之字伯印桐城人嘉慶十年乙丑進士官刑部左侍郎湛深經術並善六法其白描花卉足與南田新羅並駕又篤嗜金石工篆隸此聯風格純從乙瑛曹全兩碑所出披拂閒飽滿雄暢真得漢人筆勢者分書之肥潤一格斷推此種著有竹葉亭雜記薦青詩集

朱為弼楷書八言散八弼篆本 高五尺八寸八分 闊

德禮冠倫詩書滿腹 遠量容物宜繩閑邪 集北海書

成聯以頌 莘農大公祖七兄大人雅政 治愚弟朱為

弼 印二 朱為弼印 白文迴 茱堂 朱文

朱為弼篆書七言 紙本 高四尺三寸 闊八寸四分

偁父鼎子孫永寶 周公鐘眉壽無疆 茱堂朱為弼 印

二 朱為弼印 白文迴 八省軍門 白文

按為弼已詳尺牘冊

包世臣行楷七言 紙本 高四尺五寸八分 闊九寸八

人多瑤草琪花氣 家有蘭臺石室書 莘民四兄雅鑑

倦翁包世臣 印二 包世臣印 朱文迴 慎伯 白文 左壓

一角印 白門倦游閣外史 朱文長方印

按世臣字慎伯涇人嘉慶十三年戊辰舉人官江西大挑知縣精通史學又善兵家言與完白山人友善學書三十年備得古人執筆運鋒結體分行之奇遂稱書學大家此聯無處不轉無微不至和易近人自然高峻著有安吳四種倦遊閣文集

郭尚先行楷七言 粉紅冷金箋本 高六尺 闊一尺一寸二分

深院鈔書桐葉雨 曲闌聯韻蕩花風 由溪大兄大人

正 弟郭尙先 印二 郭尚先 朱文迴蘭石方印

郭尚先行楷七言 粉紅冷金箋本 高四尺六寸二分 闊一尺一寸

逸少紅鷺傳華髓 扶風白虎挾經心 郭尚先 印二 臣

尚先 朱白文來石方印

按尙先字蘭石莆田人嘉慶十二年丁卯解元己巳進士官大理寺卿性高潔善屬詩文而書名耀海外

顏筋柳骨散落人間識與不識咸拱壁藏之沒後遺稿散佚其友人龍巖魏茂林為搜羅殘燼刊有郭大理詩集二卷文六卷

林則徐行楷七言

蜜黃冷金箋本 闊一尺四分

高四尺四寸六分

賦詩健筆挾風雨

把釣幽情渺水雲

集宋句

少穆

林則徐

印二

林則徐

印白

讀書東觀視草西臺

朱文方印

按則徐字綏邨侯官人嘉慶十六年辛未進士官兩廣總督諡文忠文章政績為一代名臣至今婦孺咸知其名書則出虞入歐晉唐風範此聯觀其圖印尚在諫垣時所作似乎純學歐陽不參別派所謂造次不離規矩也著有奏議若干卷雲左山房詩鈔一卷詩餘一卷

郭麐行楷七言

蜜黃冷金箋本 一尺

高四尺五寸四分

闊

詩書於我為翹蘖

嗜好與俗殊酸醎

花洲大兄雅屬

蘧庵邵麐

印二

蘧庵

朱文方印

郭氏祥伯

白文方印



按磨已  
詳扇冊

高塏楷書七言

紫紅花箋本  
尺一寸六分

高四尺七寸五分

闊一

麟圖鳳紀叶靈祉

義畫禹範開文章

爽泉高塏

印二

高塏之印

白文  
方印

爽泉

朱文  
方印

按塏已  
詳扇冊

毛懷行楷七言

紙本

高四尺五寸五分

闊一尺

藹若芝蘭香可襲

溫如金玉粹而純

意香毛懷

印二

毛懷

白文  
方印

意香

朱文  
方印

按懷已  
詳扇冊

陳銑行楷六言

淡綠冷金箋本  
八分

高四尺八寸

闊一尺

以惜字為祿命

修此法而延年

嘉慶乙亥秋日書

蓮汀陳銑印三陳銑之印方朱白文艸研叁方朱文蓮汀翰墨

朱文方印引首一家在梅華涇北朱文楠

陳銑行書八言四分冷金箋本高六尺一寸闊一尺一寸

清映玉壺妙宣金鐸空持半偈理澈三乘羅石居士

屬書蓮汀陳銑時年七十有五印二陳銑方白文蓮汀書

畫方白文印

按銑字蓮汀秀水人諸生梁同書弟子書法超脫蒼秀一如其畫此六言聯係中年所書騰擲跳躍不拘故常似登峰造極之作入言聯瘦勁雖披其精到處直與蔣山堂堪髣髴卒於咸豐己未年七十有五是有之筆歟

費丹旭行楷七言冷金箋本高三尺九寸闊八寸

室因抱水隨其曲竹為看山不放長野芝二兄大雅

教之 子茗費丹旭

印二 費丹旭印

白文迴 曉樓詩画白

印方

按丹旭字子茗烏程人工詩詞畫則山水花卉無不工而以人物仕女為最精妙輕清淡雅不尚俗豔後來者斷難追步書法一宗南田此聯墨色鮮豔秀媚動人兼以紙色潔白如新更屬可愛不徒以少而見珍焉著有依舊草堂詩集

朱昌頤楷書七言

蜜黃冷金箋本 闊一尺一寸四分

高四尺四寸四分

臨池妙契南宮帖

展卷閒披北苑圖

辛香大兄屬

朶山弟朱昌頤

印二

昌頤私印

白文方印

朶山方印

朱文

按昌頤字朶山海鹽人道光六年丙戌狀元官給事中降調主事詩文均有名於時書學歐陽參以晉人法此聯於潔淨中頗具風骨知其得力於古碑者不淺著有鶴天鯨海樓詩集

戴熙行楷七言

紙本

高五尺八寸四分

闊一尺四分

重簾不捲留香久 宿酒半醒聞雨來 醇士戴熙印二

戴熙私印 方印 醇士一字掄菴 朱文

按熙字掄庵錢塘人道光十二年壬辰進士官兵部右侍郎贈尚書諡文節詩書畫皆臻絕詣刻以大節凜然當世重公之人益重公之書畫此聯氣局寬暢倍勝平時著有習苦齋詩集八卷文四卷

何紹基隸書五言 紙本 高三尺四寸 闊八寸五分

六書許祭酒 三札鄭司農 潤臣老弟屬紹基書 印二

何紹基印 方印 迴子貞 朱文

何紹基行書七言 紙本 高四尺六寸 闊一尺一寸四分

蘋溪小雨成幽討 松院斜陽又獨來 何紹基印二 何

紹基印 方印 迴子貞 白文

何紹基行書七言 紙本 高四尺六寸六分 闊一尺一

柳弱綵搖潭底月 松欹青接石根落 何紹基 印二何

紹基印 朱文迴子貞 方印

按紹基字蠅叟道州人凌漢子道光十六年丙申進士官編修博覽經史窮究金石詩文以外書法為海內第一家此隸書聯似以石闕碑頭蒐羅筆底而出之乃得渾厚如此純熟如此直謂漢人不死可也其書兩聯以爭坐位帖展成榜書筆自空懸字如蟲蛀其零丁處又如懸崖墮石而欲墮未墮每以一筆鎮全勢故愈險愈穩此書也而寓畫意離立視之方見妙處誠空前絕後之作矣著有東洲草堂詩集二十卷詞集一卷

曾國藩行楷七言 珊瑚箋本 高六尺三寸八分 闊一尺二寸

高花風墮赤玉盞 老萼煙濕蒼龍鱗 蘊山一兄屬

滌生曾國藩 印二 國藩之印 朱文 滌生 方印

按國藩字滌生湘鄉人道光十八年戊戌進士官大學士謚文正咸同之間削平粵寇為中興第一名臣

經史百家無不貫串而尤邃於義理之學書法歐顏  
晚宗北魏此聯又絕類山谷蒼老勁挺實乎尚已著  
有奏議三十卷求闕齋讀書錄十卷日記類鈔二卷  
文正公詩集四卷文集四卷書札三十一卷批牘六  
卷雜著四十九卷鳴原堂論文二卷又輯有經史百  
家簡編二卷經史百家雜鈔二十六卷十八家詩鈔  
二十卷

馮桂芬行楷八言

珊瑚箋本寸三分

高八尺六寸

闊一尺六

景星照堂大頤輔福

東風啓戶和氣兆升

乘雲大兄

雅屬

馮桂芬

印二

臣桂芬

印白文

鄧尉山人

朱文方印

按桂芬字景亭吳人道光二十年庚子榜眼官中允  
曾與林文忠公則徐同膺薦舉精通經史尤邃算學  
書法歐陽細筋入骨此聯瘦而不枯尙風節而不矜  
崖岸書品之高一如其人生平著述甚富有校邠廬  
抗議二卷  
人習誦之

楊沂孫楷書八言

金箋本一寸六分

高五尺六寸二分

闊一尺

安步當車晚食當肉 倚樹而齡據梧而瞑 光緒己卯

季冬 濠叟楊沂孫書 印二 楊沂孫 白文迴 今日何成 文朱

印方 上聯左壓 己卯六十一 方印 白文長

按沂孫字詠春常熟人道光二十三年癸卯舉人官鳳陽知府篤嗜金石工隸篆能於大小篆融會貫通

故其所書乃自成一派此聯恰寓分於楷古趣盎然非食古而化者那得到此境界

秦光第行楷七言 淡綠箋本 高四尺六寸 闊一尺六

竹下香泉洒瑤几 松閒好月照寶書 秦光第 印二次

游 朱文 次游詩古文辭 方印 白文

按光第字次游嘉興人咸豐元年辛亥舉人詩文均

有法度王壯愍公有齡愛其才延入幕中磨盾草檄

下筆千言善倚聲書法元章 為人所重著有行軍法戒錄 楊峴隸書七言 紙本 高三尺七寸二分 闊九寸

陶潛自作五柳傳 晏嬰不滿六尺長 遲鴻殘零楊峴

印一

臣額大利方印

按峴字遲鴻歸安人咸豐五年乙卯舉人官松江知府篤嗜金石小學又工詩文善分書如褒斜道石門額名重一時此聯以禮器碑筆意盡勢開拓有泰山金石峪大字金剛經氣概對之令人心境一開可傳也著有遲鴻軒詩集五卷文棄三卷

翁同龢楷書七言

尺四寸

高六尺一寸五分 關一

骨氣乃有老松格

神妙獨到秋毫顛 蘊山一兄屬

叔平翁同龢

印二

翁同龢印

白文迴方印

朱文

按同龢字叔平常熟人咸豐六年丙辰狀元官大學士謚文恭生平遂於經學歷掌文衡一時名宿咸出其門書法雄厚駕石庵而上之畫亦蕭疏澹遠得雲林逸趣戊戌因變政罷歸日與梵僧野老游處深耽禪悅著有松禪老人遺集



符翁隸書七言

冷金箋本

高四尺七寸

闊一尺八分

無端酒思催吟筆

卻卷波瀾入小詩

蘊山老兄大書

家正

戊寅八月子琴弟翁同在京師

印二

翁印

白文方印

琴

朱文方印

上聯

左壓一角印

一花箋本

七經滄海

白文方印

符翁行楷七言

花箋本

高五尺六分

闊一尺八分

看鶴松陰賞高潔

疏泉石罅得清甘

溫山老兄大書

家

子琴弟符翁

印二

翁印

白文方印

子琴

朱文方印

按翁字子琴丹徒人性高雅不入仕途而足迹徧天下所交皆知名士且於各省方音琴瑟擬畢肖故人尤樂與之交既善吟詠而書法更出人頭地此隸書聯以張遷作骨雜漢中石刻諸題名筆勢方而體有寬緊遂得精采驚人行楷聯以刁遵鄭義等碑為質而蓄不盡之意同光之間先生邀遊來浙與吾鄉劉蘊山先生訂交最久故劉氏得其手蹟為最多今已大

半散佚存此兩聯安敢棄置謹收而儲之

莫友芝隸書八言

蜜黃雲龍箋本闊一尺二寸五分

高五尺九寸四分

明德孔嘉吉慶長久

蘇軾所舍福祿光昌

壽芝老兄

大人察書

邵亭莫友芝

印二

友芝私印

白文方印

邵亭晤叟

白文方印

莫友芝篆書七言

蜜黃團龍箋本尺一寸

高四尺七寸

闊一

心游萬里不知遠

自成一家始逼真

毓山大兄察書

邵亭莫友芝

印二

邵亭晤叟

白文方印

莫友芝印

朱文迴文方印

按友芝字子偲獨山人道光十一年辛卯舉人詔徵不就淹通今古粹然儒者其最精者為金石文字之學故為隸為篆均駁駁入古此隸書聯圓筆緩送有成陽靈臺碑氣象對之如觀古鼎彝篆書聯糾結蟠巨珊瑚交柯寓大篆於小篆中尤覺離奇變幻與同邑鄭珍合纂遵義府志四十八卷黔詩紀略三十二

卷最有名於時著有說文木部百八十八文箋異一卷  
卷梁石記一卷聲韻考略四卷過庭碎錄十二卷宋  
元舊本書經眼錄三卷附錄三卷邵亭知見善本書  
目十六卷邵亭經說資治通鑑索隱書畫經眼錄各  
若干卷邵亭詩鈔六卷遺詩八卷  
又按邵亭遺文八卷影山詞一卷  
家單款中皆有真迹僅摘邵亭兩聯以附於後並足  
成七十聯之數餘者概行從  
略或俟異日續登并以附識

姪昌楮同校字  
男昌楮